

00-2b

Ba Molepo History.

1

2b

History ya Bošega ga Molêpô

1/4

1. Ba ga Molêpô ke Makgalaka, ba kgaogane le Makgoba Kgatla, ba theogêla Bošega ba hwetša go buša Makubu. Kgoši ya Makubu e le Molêlêmane-a-Maloka. Bôna kgoši ya bôna e le Mmatshwane. Mmatshwane a tswala Lekgalaka. Ba lwa le Makubu ba a fišetša dintlô. Ba be ba thumešitše dišu tša dikgomo ka mollô ba di tlhometše mesêbêng. Ge mesêbê e tlhaba dintlô, tša fsa. Ke ga Makubu a fenywa gobane a se sa ne gae. Morago gwa buša Maiša. Yêna o lwele le Mapono a ga Moselekatse. Ka morago ga ntwae yeo gwa tlhaga tlala ya bodimo. Tlaleng yêna yeo go be go swanetše go wêla morwagwê Setlakalane, mme mohumagadi a êpêla mabêlê ka ntlong, kgoši yeo ya bolawa ke tlala, ya êpêlwa mmotong wa Makgoroma mo go êpêlwang dikgoši tša Bošega le lehono.
2. Ka morago ga mowe mokgômana wa ga Mafêfê a longwa ke kwêna. Ka ge molaô wa setala o be o re motho ge a lomilwe ke kwêna ga a tsene ka kgôrô, a laola dira go ya go hula Maune ga Mmatšhipi, a feta a rupa sera Bošega, sôna sa rwalwa ke Setlakalane e le mokgômana wa Bošega. Ba fitlha ba fenywa Matêbêlê ba hlaba dikgomo ba apea nama kgorong. Mohumagadi a re: "Na le reng le re le fentše la se tloge? Matêbêlê a tla le fetša". Ba kae bo-Sekhaolêlô sa Bathokwa ka bo-Makhafola?" Ea se ke ba šetša keletšô yeo ya mohumagadi Mmatšhipi.
3. Ba re ba sa thabile ba e-ja dinama ba bintšha basadi kôma tša bodika, a tšwêla Matêbêlê ka ditlhôpha ka matlhakoreng ôhle a motse, a ba dikanetša a ba fetša Makgau Maune a Morulana.
4. Mokgômana wa ga Mafêfê a hwêla gôna ntweng yeo le Setlakalane. Bakgômana ba boileng ntweng yeo Bošega ke Mmakgatlang, ga Mmafêfê ke yêna Mmafêfê. Banna ba feletše mowe, basadi ba šala e le batlhôlôgadi. Monna o tee a êmêla motse, le methepa e tlhoka batšei.

K34 / 5

- 1 5. Ke ge Mmankgatlang a ntšha bodika bja Mathunya. E ile ge bo sa tšwa go aloga, a fitlha Maune a Morulana a gopotše go thopa dikgomo, ka ge banna ba fedile ngwagôla ntweng. A tšwêla e sa le gosasa a bônwa ke mosadi yo a beng a tsogetše nokeng. Ba re re a mo leka a phonyokga a tlhaba mokgoši, banna ba tsoga, ntwae yeo e lwelwe ke dialoga di sa na le matsoku. Banna ge ba e-tšwa ka kgôrô ba wêla Matêbêlê godimo ka tšhoša, ba ithêta, ke bo-Kômasepela-a-Mmanthonyane, Legeti, Kgarole, Moseneke ka bo-Matile le ba bangwê.
- 2 6. Ba ba theoša le moedi wa Mmabodibane, ba ba swara letlhakola se ba ile, ge ba lebile noka ya Mphogodiba. Phalafala ya lla. Ba re: "Batho ba jeng le ba gomêlê, batho ga se dikgokonyana".
7. Morago gwa buša Mmakgwana ge Makgowa a hula. Mme batho ba tšhabêla ka Ntšie, Mmankgatlang yêna a ya Molele.
8. Morago ga Mmakgwana ya ba Komeledi, a latêlwa ke Setlakalane, o hwile ka 1938. Lehono go buša Mmakgwana.

Dirêtô tša bagale ba marumô

I

9. Kômasepela Mpe Malaka  
 Kômasepela Mmanthwaneng  
 Le pitšana Lethunya le maratetšo a go apea motho  
 A mmôna a tšhoga Matêbêlê  
 Makubjana ba ga Mmatšhipi  
 Ba re: Lenaba le e-tla Kômasepela  
 Dioka tša Mmamogale ka senya  
 Ka senya ka dia makgabutla  
 Ka senya foka tša ga Mafwafwane  
 Mmamalekane a Rankagele o leka namane  
 O leka seoka mmagwê a hwile  
 Gwa re mokgolokwane ka tlhōka moletši  
 Ke tšhuwana a Mabula lejêla-thata la gabo  
 Moremadi  
 Ke llê nama, ke timile rakgadi

2

Ke timile Ngwana Mpe Mahulwane  
 Mahutamong o tllhabile manyapo  
 Šagaša o e tllhabile e sa hutame  
 Namane e tšhweu papola mabjeng  
 Ngwana'bo Mmanyabela sethakga sa  
 Go tse go tllhabana ntwā  
 O Mošweu o tllhaba kala seatla

K34/ 5

## II

## 10. 'Kgwadi Makutu Mpe'.

Thipa-Mmasekgekge abo Makitla  
 Tšhweu ya ditsebe Makutu a ga lekutumiša  
 Motho ka theko ya lerumō  
 Motho a šala a bina tlakasēla a etša  
 Tšie ya lephatakalela  
 Letšatši ge o pshirima o moloi  
 Nkabe o kile wa seba Makgatla  
 Manaba, manaba a ga Ratlhagana.

## Kgoši Mmankgatlang.

11. Mmankgatlang diatla ke kgōnē go lesa tša batho  
 Tšhweu-a-selwa rangwane a Mošitši  
 Rangwane a Putla le Setlakalane  
 Mmankgereregere abo Mošitši a ntšha  
 Tšhoša a ntšha rumō le legolo go mangwē  
 Ntshegeleng thetebodi a Maleka  
 Kōtsē ke swere ya tlou lelokwane  
 Moretlwa wa Mapakwaneng ke thupa ke kgati ngwana wa Lesiba  
 Ke kgati e tiang batho pelo morwa Ramaseo pheko e khwibidu  
 ke pheko ya gore ya fenyā Matēbēlē  
 Sefenya ka bašimane magaola  
 Magoši kamoka le se le kgobane  
 Le goma ka Porotlwane a molomo  
 Ka bo-Selo-sa-Maboa bo Lekatšile  
 Tau swara kgomo ngwana wa Lesiba sebata sa Mangana.

K34 / 5

Mo lesê a fetê go fetše bo-Letšana ka bo morwa Mmakadi  
monna'

Kgati, ba dia dikgomo mošala-šopeng

Ba di êlêlwa gola ba phologile

Ba e-ja morutswane ga Mphahlêlê.

KIND 575